

TULAFONO TAU FAAOFI O TEUTEUGA O LE TULAFONO O MALOSIAGA O LEOLEO 2019

SAMOA

Faamatalaga e faamalamalama ai

1.0 Sini ma mafuaaga:

- 1.1 Ua talosagaina e le Tulafono Tau Faaofi le teuteuina o le Tulafono o Malosiaga o Leoleo 2007 (“Tulafono autu”).
- 1.2 O le sini o le Tulafono Tau Faaofi o le aiaia ai lea o se malosiaga tuuina atu mo le Komesina o Leoleo e faamatuu atu ai galuega tauave o le Galuega Tau Leoleo e faatatau i le resitalaina ma le laiseneina o taavale ma le laiseneina o ave taavale i so o se faalapotopotoga agavaa.

Fuaiupu:

Fuaiupu 1: - ua aiaia ai mo le igoa puupuu ma le amataga.

Fuaiupu 2: - ua faaofiina ai o se fuaiupu 36BA fou i le Tulafono autu, ina ia:

- (a) aiaia ai mo malosiaga tuuina atu mo le Komesina; ma
- (b) o sea malosiaga tuuina atu e mafai ona faalēaogāina, toe faafou pe suia i so o se taimi e le Komesina.

Fuaiupu 3: - ua aiaia ai mo mataupu tau soloaiga.

A handwritten signature in black ink, appearing to read 'Tuilaepa', written above a horizontal dotted line.

(Afioga TUILAEPA Auelua Fatialofa Lupesoliai Lolofietele
Neioti Aiono Galumalemana Dr. Sailele Malielegaoi)

MINISITA O LEOLEO

**TULAFONO TAU FAAOFI O TEUTEUGA O LE
TULAFONO O MALOSIAGA O LEOLEO 2019**

SAMOA

Faatulagaina o Aiaiga

1. Igoa puupuu ma le amataga
2. Ua faaofiina le fuaiupu 36BA fou
3. Soloaiga

2019, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o Malosiaga o Leoleo 2007 (Tulafono Autu).

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Tulafono o Malosiaga o Leoleo 2019.
- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua faaofiina le fuaiupu 36BA fou:

I le tuanai ai o le fuaiupu 36B o le Tulafono Autu, ia faaofi:

“36BA. Tuuina Atu o Malosiaga:

- (1) E mafai e le Komesina i se faiga tusitusia, ona faamatuu atu o galuega tauave o le Galuega Tau Leoleo, i lalo o le fuaiupu 36A, i so o se faalapotopotoga agavaa.
- (2) O le faamatuu atu o galuega tauave i lalo o le faafuaiupu (1) e mafai ona faalēaogāina, toe faafou pe suia i so o se taimi e le Komesina.”.

3. Soloaiga:

O se gaoioiga ua faia po o se mea ua lē faia i le tuanai ai o le aso 1 Iulai 2019 ma a o lumanai ai le amata faamamaluina o lenei Tulafono e se faalapotopotoga e ese mai ai i lo le Galuega Tau Leoleo e avea ma Pulega Autu o Laisene, ua faatatauina e faapea ua aloaia e faapei ai sa tauaveina i lalo o se malosiaga tuuina atu ua faia e tusa ai ma le fuaiupu 36BA.
